

**Siunnersuut uunga: Meeqjanik pinerliisimannginnermut uppernarsaatnik
piumasaqaateqartussaatitaaneq pillugu Inatsisartut inatsisaata allanngortinnea pillugu
Inatsisartut inatsisaat nr. xx, xx xx 2015-imeersoq.
(Atuuffiata annertusinera)**

pillugu

Inatsisinut Ataatsimiititaliap

ISUMALIUTISSIISUTAA

Siunnersuutip aappassaaneerneqarnerani saqqummiunneqartoq

Inatsisinut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Laura Tàunâjik, Siumut, siulittaasoq

Inatsisartunut ilaasortaq Ineqi Kielsen, Siumut

Inatsisartunut ilaasortaq Aaja Chemnitz Larsen, Inuit Ataqatigiit

Inatsisartunut ilaasortaq Iddimannngiiu Bianco, Inuit Ataqatigiit

Inatsisartunut ilaasortaq Michael Rosing, Demokraatit, Ataatsimiititaliam sinniisussaq

1. Meeqjanik pinerliisimannginnermut uppernarsaatit pilligit – aammalu inatsisissatut siunnersuutip imarisaa pillugu

Meeqjanik pinerliisimannginnermut uppernarsaat tassaavoq pinerluuteqarsimasunik nalunaarsuiffimmit takussutissiaq meeqqanut 15-it inorlugit ukiulinnut kinguaassiuutitigut pinerliisimanerit erseqqinnerusut pilligit eqqartuussutinik aalajangiinernillu¹ allanik imaqartoq.

¹ Eqqartuussutit aammalu akiliisitsinerit eqqartuussivimmi aalajangigaanngitsut (tassa akiliisitsissutit suliaq eqqartuussivimmut suliassanngortinngikkaluarlugu pineqartup akilissallugit aalajangigai) saniatigut taakku assersuutigalugu tassaasinnaapput unnerluussutinik tunuartitsinerit.

Meeqjanik pinerliisimannginnermut uppermarsaatip pinerluuteqarsimasunik nalunaarsuiffimmit takussutissianit allaanerussutigaa meeqjanik 15-it inorlugit ukiulinnik kinguaassiuutitigut pinerliinerit² aalajangersimasut kisimik tassani pineqarmata.

Aalajangikkap peerneqannginnermini ukiuni qassini pinerluuteqarsimasunik nalunaarsuiffimmi takuneqarsinnaanissa pillugu maleruagassat immikkut ittut atuupput. Paasissutissat meeqjanik pinerliisimannginnermut uppermarsaatitut atugassat pinerluuteqarsimasunik nalunaarsuiffinnit takussutissiani allani paasissutissanut sanilliullutik ukiunik arlalippassuarnik kingulliullutik nalinginnaasumik peerneqartarput. Piffissat atuuffii nikerarput, apeqqutaalluni kanngutsaatsuliorneq kinguneqaatissiissullu qanoq ittoq pineqarnersoq.

Naalagaaffiup politiivi pinerluuteqarsimasunik nalunaarsuiffik pillugu nalunaarut³ naapertorlugu meeqjanik pinerliisimannginnermut uppermarsatinik tunniussisartuupput. Sulisitsisup⁴ qinnuteqarneratigut tunniussineq pisarpoq inuullu uppermarsaammi pineqartup akuersisimanissa piumasaqataalluni.

Meeqjanik pinerliisimannginnermut uppermarsatinik piumasaqaateqartussaatitaaneq pillugu Inatsisartut inatsisaat atuuttoq (“meeqjanik pinerliisimannginnermut uppermarsaat pillugu inatsit”) malillugu pisortaqrifit, suliffeqarifit, atuarfitt peqatigiiffillu atorfinni atuuffinnilu erseqqinnerusumik nalunaakkani sulisussanik atorfinititsinnginnerminni suliaqartitsinnginnerminniluunniit pineqartut taakku suliamik ingerlatsinermanni meeqjanik 15-it inorlugit ukiulinnik toqqaannartumik attaveqartassappata meeqjanik pinerliisimannginnermut uppermarsatinik piniartussaatitaapput.

Inatsisissatut siunnersuutikkut inatsisip atuuffia annertusineqassaqq:

Inuit sulinermanni meeqqanut 15-it inorlugit ukiulinnut *toqqaannartumik attaveqartartussat* meeqjanik pinerliisimannginnermut uppermarsatinik siunissami kisimik pissarsiviginiarneqartassanngillat, aammali inuit sulinerminnut atatillugu meeqqat 15-it inorlugit ukiullit *aalajangersimasumik akornanniittartussat*, taamaalillutilu meeqjanik taakkuninnga toqqaannartumik attaveqarnissamut periarfissaqartut pissarsiviginiarneqartassallutik.

² Tassunga ilanngullugit ukiukitsunik qanigisaranik atoqateqarnerit, ukiukitsunik atoqateqarnerit allatulluunniit kinguaassiuutitigut atorneルluinerit, kanngutsaatsuliornerit kiisalu meeqjanik pornolianik suliaqarneq, siammerterineq pigisaqarnerlu.

³ Pinerluuteqarsimasut qitiusumik nalunaarsorneqartarfianni inunnik paasissutissat suliarineqartarnerat pillugu nalunaarut nr. 881, 4. juli 2014-imeersoq (Pinerluuteqarsimasunik nalunaarsuiffik)

⁴ Imaluunniit atorfeqartitaanermi pissutsit pineqanngippata, pineqartumik suliaqartitsisoq.

Tamatuma peqatigisaanik katersugaasiviit, kommunimi atuakkanik atorniartarfiiit aammalu Nunatta Atuagaateqarfia suliffeqarfinnut il.il. meeqqanik pinerliisimannginnermut uppernarsaatnik piniartussaatitaasut nalunaarsorsimaffiannut ilanngunneqarput aammalu atuakkanik atorniartitsisartut atorfiiit atuuffiillu meeqqanik pinerliisimannginnermut uppernarsaatnik piniarfiusussaasut nalunaarsorsimaffiannut ilanngunneqassallutik.

Kiisalu meeqqanik 15-it inorlugit ukiulinnik angajoqqaarsianut imaluunniit ilaqtariinnut oqilisaasunut inissiinernut atatillugu nutaartaavoq inoqutigiinni 15-it sinnerlugit ukiullit tamarmik meeqqanik pinerliisimannginnermik uppernarsaateqarnissaannik pissarsiniartarnissaq. Aammattaaq tamanna atuuppoq kommunip aaqqissugaanik namminersortutulluunniit angerlarsimaffimmi paarsisartunut, paarsineq paarsisuusup angerlarsimaffiani pigaangat.

Naalagaaffiup oqartussaasuisa pinerluuteqarsimasunik nalunaarsuiffik pillugu nalunaarummik allannguinerisa kingorna inatsisip atuuffia annertusineqarsinnaalersimavoq.

2. Inatsisinut Ataatsimiititaliap inatsisissatut siunnersuut pillugu oqaaseqaatai

2.1. Ataatsimut isigalugu

Inatsisissatut siunnersuut siullermeerinerimi tamakkiisumik tapserneqartoq aammalu atuuffissaata annertusineqarnera akuersaarneqartoq Inatsisinut Ataatsimiititaliamit oqaatigineqassaaq. Tamanna minnerunngitsumik atuuppoq angerlarsimaffimmi paarsisartut aammalu angajoqqaarsiat ilaqtariillu oqilisaasut inoqutigisaat eqqarsaatigalugit.

2.2. Allannguutissatut siunnersuut

Inatsisissatut siunnersuutikkut katersugaasiviit, kommunimi atuakkanik atorniartarfiiit aammalu Nunatta Atuagaateqarfia suliffeqarfinnut il.il. meeqqanik pinerliisimannginnermut uppernarsaatnik piniartussaatitaasut nalunaarsorsimaffiannut ilanngunneqarput aammalu atuakkanik atorniartitsisartut atorfiiit atuuffiillu meeqqanik pinerliisimannginnermut uppernarsaatnik piniarfiusussaasut nalunaarsorsimaffiannut ilanngunneqarlutik.

Katersugaasiviilli suliffeqarfinnut meeqqanik pinerliisimannginnermut uppernarsaatnik pissarsiniarnissamut pisussaaffeqartunut nalunaarsuiffimmut ilanngunneqarnerat atorfinnut atuuffinnullu meeqqanik pinerliisimannginnermut uppernarsaatnik pissarsiniarfiusussanut nalunaarsuiffiup annertusineqarneranik kinguneqanngilaq.

Katersugaasivimmi sulisut ilaat katersugaasivimmi takuniaasut akornanniittartut suliassanik nalunaarsuiffimmi atuuttumi ilaasutut isigineqarsinnaasunik isumagisaqartuupput.

Nalornissuteqartoqarnissaali pinngitsoortinniarlugu katersugaasivimmi sulisut atorfinnut atuuffinnullu meeqqanik pinerliisimannginnermut uppernarsaatnik pissarsiniarfiusussanut nalunaarsuiffimmut ilanngunneqarnissaat Inatsisinut Ataatsimiititaliamit kissaatiginartinneqarpoq. Inatsisinut Ataatsimiititaliaq inatsisissatut siunnersuummik tamatumunnga naapertuuttumik saqqummiussissaaq.

2.3. Meeqjanik pinerliisimannginnermik uppernarsaatinut killigitinneqartoq – 15-inik ukiulinnut killiliineq

Oqartussaasup peqatigiiffiulluunniit il.il. meeqjanik pinerliisimannginnermut uppernarsaammik pissarsiniarnissamut qaqgukkut pisussaaffeqarnera Inatsisartut inatsisaanni taamaallaat maleruagassiorneqarpoq. Akerlianik meeqjanik pinerliisimannginnermut uppernarsaat sunik imaqassanersoq aammalu oqartussaasumut peqatigiiffimmulluunniit il.il. qaqgukkut taanna tunniunneqarsinnaatitaanersoq Inatsisartut inatsisaanni maleruagassiorneqanngilaq – aammalu maleruagassiorneqarsinnaanani.

Meeqjanik pinerliisimannginnermut uppernarsaatit imarisaat aammalu meeqjanik pinerliisimannginnermut uppernarsaatip tunniunneqarnissaanut suut piumasaqaataanersut pillugit maleruagassat naalagaaffimmi oqartussaasunit aalajangersarneqarput. Maleruagassat taakku malillugit meeqjanik pinerliisimannginnermut uppernarsaatit taamaallaat meeqjanut 15-it inorlugit ukiulinnut kinguaassiuutitigut pinerliinernut attuumassuteqassapput aammalu inunnik meeqjanik 15-it inorlugit ukiulinnut toqqaannartumik attaveqartussanik imaluunniit meeqqat 15-it inorlugit ukiullit aalajangersimasumik akornanniittartussanik atorfinititsinermi suliaqartitsinermiluunniit atugassatut taamaallaat tunniunneqarsinnaallutik.

Taamaattumik oqartussaasoq peqatigiiffilluunniit il.il. inunnik *inuusuttuaqqat 15-it sinnerlugit ukiullit toqqaannartumik akornanniittartussanik imaluunniit taakkununnga attuumassuteqartartussanik atorfinititsinissamut suliaqartitsinissamulluunniit* atatillugu paasissutissanik pissarsiniarnissamik kissaateqarunik tamanna pinerluuteqarsimamannginnermik uppernarsaatinut "nalinginnaasunut" maleruagassat atuuttut malillugit pisariaqarpoq.

Oqartussaasup peqatigiiffiulluunniit *inunnut 15-it inorlugit ukiulinnut kinguaassiuutitigut pinerliinerit pinnagit pinerluuteqarsimanerilli allat* pillugit paasissutissanik pissarsiniarnissamik kissaateqarneranni tamanna aamma atuuppoq. Tassa inunnut 15-it sinnerlugit ukiulinnut kinguaassiuutitigut pinerliinerit pillugit paasissutissat aammalu kinguaassiuutitigut pinerliinerit pinnagit pinerliinerilli allat (assersuutigalugu nakuusernerit) pillugit paasissutissat.

Aalajangiiffigisassatut siunnersuummut (UKA 2010/66) Inatsisinut Ataatsimiitaliaasimasup allannguutissatut siunnersuutitut saqqummiussaa Inatsisartunit 2010-mi akuerineqarpoq. Aalajangiiffigisassatut siunnersuutip akuerineqarnermisut iluseqartup nassataraa meeqjanik pinerliisimannginnermut uppernarsaatit pillugit inatsisip allanngortinneqarnissaanut periarfissiinissaq siunertalarugu Naalakkersuisut naalagaaffimmi oqartussanut saaffiginneqqullugit peqquneqarnerat, taamaaliornikkut meeqjanik pinerliisimannginnermut uppernarsaammik pissarsiniarnissamut pisussaaffik inunnik inuusuttuaqqanik 15-18-it akornanni ukiulinnik attaveqartartussanik atorfinititsinermi/suliaqartitsinermi aamma atuussinnaaqquullugu.

Meeqqat pinerlineqannginnissamut sapinngisamik illersorneqarnissaannut pisussaaffik meeqjanut tamanut ukiup inersimasutut naatsorsuussaalerfiup tungaanut tunngaviusumik atuuttariaqartoq ataatsimiitaliaq isumaqartoq taamani Inatsisinut Ataatsimiitaliap

aalajangiiffigisassatut siunnersuummut isumaliutissiissutaani allassimavoq, aamma tak. Meeqqat pillugit isumaqtigijissut.

Inatsisinilli atuutsitsinermut ministereqarfiup Naalakkersuisunut nalunaarutigaa naalagaaffimmi oqartussaasut Kalaallit Nunaannut tunngatillugu taamatut annertusisitsilersaanngitsut. Inuit inuusuttuaqqanik 15-18-it akornanni ukiulinnik attaveqartussat atorfinitssinnejnerat/suliaqartinnejnerat meeqqanik pinerliisimannginnermut upternarsaatnik aaqqissuussinermut ilanngunneqarnerat inatsisinik atuutsitsinermut ministereqarfiup isumaa malillugu maanna aaqqissuussinermik ilusiliinermi isiginiarneqartut atorunnaassapput. Taamaalilluni meeqqanut kanngunartuliortartut (tassa inuit meeqqanik atoqateqarnissamut inuuttunik kinguaassiuutitigut kajungerinnittartut) atorfinni suliaqarfinniluunniit meeqqanik kinguaassiuutitigut pinerliinissamut atornerlunneqarsinnaasuni atorfinitssinnejnerat pinaveersimatinnejnqarnissaasaa aaqqissuussinermut siunertaraa.

Inatsisinik atuutsitsinermut ministereqarfiup isumaanik issuaaneq malillugu tassani inerniliunneqarsimasorinarpooq inuusuttuaqqat 15-it 18-illu akornanni ukiullit meeqqanut kanngunartuliortartut eqqarsaatigalugit illorsorneqarnissamik pisariaqartitsinngitsut: Inuusuttuaqqat 15-it 18-illu akornanni ukiullit meeqqanut kanngunartuliortartunit kinguaassiuutitigut pinerlineqarnissamut navianartorsiungillat, tassa meeqqanut kanngunartuliortartut meeqqanik ukiukinnerunik kinguaassiuutitigut kajungerisaqartarmata.

Pinerluuteqarsimasunik nalunaarsuiffimmit takussutissiaq taanna immikkut ittoq ulluinnarni meeqqanik pinerliisimannginnermut upternarsaammik taaneqartalaruartoq taaguutip allap ilaannilu atorneqartartup, tassalu "pædofili-attest"-ip (meeqqanut kanngunartuliorisimannginnermut upternarsaatip) atorneqarnissaasaa tulluarnerussaaq.

Tamanna Inatsisinut Ataatsimiititaliamit maluginiarneqarpoq.

Inatsisinulli Ataatsimiititaliaq isumaqarpoq meeqqat – tassa inuusuttuaqqat 15-18-illu akornanni ukiullit – kikkulluunniit inunnit meeqqamik paarsitinnejneratunit kinguaassiuutitigut pinerlineqannginnissamut inuiaqtigijinnit sapingnisamik illorsorneqartariaqartut.

Pingaartumik tassunga atatillugu inuk 15-18-inik ukiulimmik paarsitinnejqartoq danskit pillasarnermut inatsisaanni § 223-mik / Kalaallit Nunaanni pinerluttulerinermi inatsimmi § 80-imik (inummik 18-it inorlugit ukiulimmik qitornavissiarisamik, qitornassamik qitornarsiamilluunniit imaluunniit ilinniartitassanngortinnejnqarsimasumik kinguaassiuutitigut atoqatiginnineq) unioqqutitsinermut siusinnerusukkut eqqartuunnejnqarsimanersoq equmaffigissallugu immaqa tunngavissaqarsinnaavoq.

15-18-inik ukiullit inunnit paarsisiminnit kinguaassiuutitigut atornerlunneqarsinnaanermut illorsorneqarnissaat pinerluuteqarsimannginnermik upternarsaatit "nalinginnaasut" pillugit maleruagassat malillugit pisinnaavoq.

Atorfinni aalajangersimasuni il.il. atorfinitssinermi atugassatut pinerluuteqarsimannginnermik upternarsaammik immikkut ittumik pineqartup

akuersitinneratigut pisortani oqartussaasut maleruagassat taakku malillugit pissarsiniarsinnaapput. Pinerluuteqarsimannnginnermik upternarsaatip taassuma imarissavai danskit pillasarnermut inatsisaannik (aammalu nunatsinni pinerluttulerinermi inatsimmik) unioqqutitsinermi atugassarititaasut malillugit eqqartuussutit, akiliisitaanerit aammalu unnerluussutit taamaatiinnarneri pillugit paasissutissat. Aammattaaq taassuma imarai eqqartuunneqarnikkut kiffaanngissusiagaanermik pineqaatissiisoqarluni imaluunniit piginnaatitaaffinnik, assersuutigalugu biilersinnaatitaanermik arsaarinnittoqarluni inatsimmik allamik unioqqutitsinerit pillugit aalajangiinerit. Paasissutissat pineqaatissiissutip naammassineqarneranit pinerluuteqarsimannnginnermут upternarsaammi takuneqarsinnaanerat ukiuni qulini atutissaq.

Pinerluuteqarsimannnginnermут upternarsaammik taamaattumik pissarsiniarnissamut peqatigiiffiit namminersortut il.il. perarfissaqanngillat. Inuk peqatigiiffiup atorfinitssinniagaa suliaqartinniagaaluunniit “namminerisamik pinerluuteqarsimannnginnermут upternarsaammik” pissarsiniaqqullugu takutitseqqullugu peqatigiiffiup qinnuigisariaqarpaa.

Namminerisamik pinerluuteqarsimannnginnermут upternarsaatip taamaallaat imarai pinerluttulerinermi inatsimmik / pillasarnermut inatsimmik aammalu ikiaroornartut pillugit inatsimmik⁵ unioqqutitsinermi eqqartuussutit akiliisitsissutilu pillugit paasissutissat. Paasissutissat namminerisamik pinerluuteqarsimannnginnermут upternarsaammi allassimasarput ukiuni marlunni-tallimani⁶.

15-18-inik ukiullit inunnit paarsisuminnit kinguaassiuutitigut pinerlineqannginnissamut illersorneqarnissaat meeqqanik pinerliisimannnginnermут upternarsaatit pillugit maleruagassat malinnagit taamaallaalli pinerluuteqarsimannnginnermут upternarsaatit pisortatigoortut namminerisallu pillugit maleruagassat malillugit pisinnaammat pingaartumik pisuni marlunni pingaaruteqarpoq:

Siullermik meeqqanik pinerliisimannnginnermут upternarsaammi paasissutissat pinerluuteqarsimannnginnermут upternarsaatini pisortatigoortuni namminerisanilu paasissutissanut sanilliullutik piffissami kingumoortumi sivisunerusumi allassimasarput. Eqqartuussutit il.il. meeqqanik pinerliisimannnginnermут upternarsaammi allassimasut pineqaatissiissutip naammassineqarneranit ukiut 20-t aatsaat qaangiukkaangata aammalu kinguaassiuutitigut pinerluutinut sakkortuunut atatillugu pinerliisoq aatsaat 80-inik ukioqaleraangat peerneqartarput. Pinerluuteqarsimannnginnermут upternarsaammi pisortatigoortumi eqqartuussutit il.il. pineqaatissiissutip naammassineqarneranit ukiut qaangiunnerini peerneqartarput aammalu namminerisamik pinerluuteqarsimannnginnermут

⁵ Kiisalu palleeqqusinnginneq, sumiiffimmeeqqusinnginneq peersitaanerlu pillugit inatsit. Inatsit Kalaallit Nunaannut atutinngilaq.

⁶ Inaarutaasumik aalajangiisoqarnerani ukiut marluk kingorna akileeqqusissutit peerneqartarput. Eqqartuussutit allat inaarutaasumik aalajangiinermit ukiut pingasut qaangiunneranni – taamaattorli paarnaarussivimmiiittussanngortitaanerup/pinerluuteqarsimasunut inissiisarfimmiiittussanngortitaanerup naammassineqarnerata kingorna aatsaat ukiut tallimat qaangiunneranni.

uppernarsaammi pineqaatissiissutip naammassineqarneranit ukiut marluk-tallimat qaangiutiinnartulli.

Aappassaanik pinerluuteqarsimannnginnermut uppernarsaatini pisortatigoortuni namminerisanilu kinguaassiuititigut pinerluutit kisimik ilaatinneqanngillat. Pinerluuteqarsimannnginnermut uppernarsaat pisortatigoortoq pillasarnermut inatsimmik unioqqutitsinernut tamanut eqqartuussutit il.il. pillugit paasissutissanik imaqarpoq. Aammattaaq pinerluuteqarsimannnginnermut uppernarsaat pisortatigoortoq eqqartuunneqarnikkut kiffaanngissusiagaanermik pineqaatissiisoqarluni imaluunniit piginnaatitaaffinnik, assersuutigalugu biilersinnaatitaanermik arsaarinnitoqarluni *inatsimmik allamik* unioqqutitsinernut sunulluunniit eqqartuussutit il.il. pillugit paasissutissanik imaqarpoq. Namminerisamik pinerluuteqarsimannnginnermut uppernarsaatip imarai pillasarnermut inatsimmik aammalu ikiaroornartut pillugit inatsimmik unioqqutitsinernut suegaluartunulluunniit eqqartuussutit il.il. paasissutissat.

Taamaalilluni sulisitsisoq / pineqartumik suliaqartitsisussaq pinerluuteqarsimannnginnermut uppernarsaammik pisortatigoortumik/namminerisamik pissarsiniarnermigut siusinnerusukkut pinerluutigisimasat 15-18-inik ukiullit pinerlineqarsinnaanermut illorsorneqarnissaat eqqarsaatigalugu attuumassuteqanngitsut pillugit paasissutissat pissarsiariavai. Naak paasissutissat taakku 15-18-inik ukiullit illorsorneqarnissaat aammalu suliaq pineqartup suliarisassaa eqqarsaatigalugit attuumassuteqanngikkaluartut (assersuutigalugu tillitanik atueqataanermut imaluunniit sillimmassiissutinik peqquserluuteqarnermut eqqartuussut ukiunik arlalinnik pisoqaassusilik pillugu paasissutissat) qinnuteqartoq ajornerusumik inissinneqaratarsinnaavoq: tassa sulisitsisoq inummik pillarneqarsimanngivissumik atorfinitserusunnerummat.

Allatut oqaatigalugu atorfinitssinernut atatillugu pinerluuteqarsimannnginnermut uppernarsaatinik nalinginnaasumik pissarsiniartarnerup inuit siusinnerusukkut pillarneqarsimasut/pineqaatissinneqarsimasut suliffittaarniarnerat ajornakusoortilersinnaavaa, naak pinerluut eqqartuussutaasoq pineqartup atorfimmi pineqartumi atorfinitssinneqarnissaanut mattussissutaasariaqanngikkaluartoq. Taamatut siunertaangitsumik sunniuteqassappat ajuusaarnassaaq, tassami suliffiit suliassallu inuiaqatigiinnut akuuleqqinnissamut iluaquataammata pineqartup pinerluuteqaqqinnissaanut iluaquatasut.

Naak 15-18-inik ukiullit inunnit paarsisuminnit kinguaassiuititigut pinerlineqannginnissamut illorsorneqarnissaat pinerluuteqarsimannnginnermik uppernarsaatinut "nalinginnaasunut" maleruagassat malillugit pisinnaagaluartoq meeqlanik pinerliisimannnginnermut uppernarsaatinut maleruagassat assingi malillugit taamatut illersuinissaq isumagineqarsinnaappat naapertuunnerussagaluartoq Inatsisinut Ataatsimiititaliaq isumaqarpoq.

Apeqput taanna Folketingip eqqartuussiveqarnermut ataatsimiititaliaanut Inatsisinut Ataatsimiititaliap eqqumaffigeqqulersaarpaa.

2.4. Oqaaseqaatit allat

Meeqqanut kanngunartuliortartut siornatigut meeqqanik kinguaassiuutitigut atornerluisimasut atuuffinni meeqqanut toqqaannartumik attaveqartarfiusuni sulilersinneqannginnissaannut suliaqartinneqannginnissaannullu meeqqanik pinerliisimannginnermut uppernarsaatinik piumasaqaateqartussaatitaanermut inatsisip peqataaqataanissaa siunertaavoq. Taamaalilluni paaqqinnittarfinni, peqatigiiffinni assigisaannilu meeqqat paaqqutarineqarnerannut akisussaaffimmik tunniussivigisatsinni meeqqanut kanngunartuliortartunit kinguaassiuutitigut atornerlunneqarsinnaanermut meeqqat illersorneqarnissaat inatsimmi siunertaavoq. Siunertarineqartutulli illersuinissami piumasaqaataavoq meeqqanik pinerliisimannginnermut uppernarsaammik pissarsiniartussaatitaanermik inatsimmi piumasaqaat oqartussaasunit pisortallu suliffeqarfiutaannit, taamatullu peqatigiiffinit namminersortunit il.il malinneqarnissaa. Taamaammat inatsimmi piumasaqaataasut pillugit sakkortusisamik paasisitsiniaanermik suliniuteqartoqarnissaanik pisariaqartitsisoqarnersoq inatsisillu malinneqarnera pillugu naammattumik nakkutilliisoqarnersoq isumaliutigeqqullugu Naalakkersuisut Inatsisinut Ataatsimiititaliamit **kaammattorneqarput**.

3. Inatsisinut Ataatsimiititaliap inassuteqaataa

Ataatsimiititaliaq isumaqatigiittoq allannguutissatut siunnersummik saqqummiussivoq.

Taama oqaaseqarluni Inatsisinut Ataatsimiititaliap siunnersuut aappassaaniigassanngortippaa.

Laura Tàunâjik,
Siulittaasoq
Siumut

Michael Rosing
Demokraatit

Ineqi Kielsen
Siumut

Aaja Chemnitz Larsen
Inuit Ataqatigiit

Iddimannngiui Bianco
Inuit Ataqatigiit